

古文辭類纂

辭賦類四

古文辭類纂六十四

賈生惜誓。

惜余年老而日衰兮，歲忽忽而不反。登蒼天而高舉兮，歷衆山而日遠。觀江河之紆曲兮，離四海之霑濡。攀北極而一息兮，吸沆瀣以充虛。飛朱鳥使先驅兮，駕太乙之象輿。蒼龍蚺虬於左驂兮，白虎騁而爲右騑。建日月以爲蓋兮，載王女於後車。馳驚於杳冥之中兮，休息乎崑崙之墟。樂窮極而不厭兮，願從容乎神明。涉丹水而馳騁兮，右大夏之遺風。黃鵠之一舉兮，知山川之紆曲。再舉兮，睹天地之圓方。臨中國之衆人兮，托回飈乎尚羊。乃至少原之壘兮，赤松王喬皆在焉。二子擁瑟而調均兮，余因稱乎清商。澹然而自樂兮，吸衆氣而翱翔。念我長生而久僊兮，不如反余之故鄉。黃鵠後時而寄處兮，鴟鴞羣而制之。神龍失水

而陸居今爲螻蟻之所裁夫黃鵠神龍猶如此今況賢者
之逢亂世哉壽冉冉而日衰今固儻回而不息俗流從而
不止今衆枉聚而矯直或偷合而苟進今或隱居而深藏
苦稱量之不審今同權槩而就衡或推迻而苟容今或直
言之諤諤傷誠是之不察今并紉茅絲以爲索方世俗之
幽昏兮眩白黑之美惡放山淵之龜玉今相與貴夫礫石
梅伯數見而至醢今來革順志而用國悲仁人之盡節今
反爲小人之所賊比干忠諫而剖心今箕子被髮而佯狂
水背流而源竭今木去根而不長非重軀以慮難今惜傷
身之無功已矣哉獨不見夫鸞鳳之高翔今乃集大皇之
堊循四極而回周今見盛德而後下彼聖人之神德今遠
濁世而自藏使麒麟可得羈而係今又何以異乎犬羊
賈生鵬鳥賦。

誼爲長沙王傅三年有鵬鳥飛入誼舍止於坐隅鵬似鴞
不祥鳥也誼旣以謫居長沙長沙卑溼誼自傷悼以爲壽
不得長乃爲賦以自廣其辭曰單閼之歲今四月孟夏庚
子日斜兮鵬集余舍止於坐隅兮貌甚閒暇異物來萃兮
私怪其故發書占之兮讖言其度曰野鳥入室主人將去
請問於鵬余去何之吉乎告我凶言其災淹速之度兮語
余其期鵬乃歎息舉首奮翼口不能言請對以臆曰萬物
變化兮固無休息幹流而遷兮或推而還形氣轉續兮變
化而嬗物移無窮兮胡可勝言禍兮福所倚福兮禍所伏
憂喜聚門兮吉凶同城彼吳疆大兮夫差以敗越棲會稽
兮句踐霸世斯游遂成兮卒被五刑傳說胥靡兮乃相武
丁夫禍之與福兮何異糾纏命不可說兮孰知其極水激
則旱兮矢激則遠萬物回薄兮振盪相轉雲蒸雨降兮糾

錯相紛大鈞播物兮塊比無垠天不可預慮兮道不可預
謀遲速有命兮焉識其時且夫天地爲鑪兮造化爲工陰
陽爲炭兮萬物爲銅合散消息兮安有常則千變萬化兮
未始有極忽然爲人兮何足控搏化爲異物兮又何足患
小智自私兮賤彼貴我達人大觀兮物無不可貪夫徇財
兮烈士徇名夸者死權兮品庶每生怵迫之徒兮或趨西
東大人不曲兮意變齊同愚士繫俗兮窘若囚拘至人遺
物兮獨與道俱衆人惑惑兮好惡積億真人恬漠兮獨與
道息釋智遺形兮超然自喪寥廓忽荒兮與道翱翔乘流
則逝兮得抵則止縱軀委命兮不私與己其生兮若浮其
死兮若休濔乎若深淵之靜泛乎若不繫之舟不以生故
自寶兮養空而浮德人無累兮知命不憂細故蒂芥兮何
足以疑

枚叔七發八首。

楚太子有疾而吳客往問之曰伏聞太子玉體不安亦少間乎太子曰憊謹謝客客因稱曰今天下安甯四宇和平太子方富於年意者久耽安樂日夜無極邪氣襲逆中若結轡紛屯澹淡噓唏煩醒惕惕不得瞑虛中重聽惡聞人聲精神越濞百病咸生聰明眩曜悅怒不平久執不廢大命乃傾太子豈有是乎太子曰謹謝客賴君之力時時有之然未至於是也客曰今夫貴人之子必宮居而閨處內有保母外有傅父欲交無所飲食則溫淳甘臠腥醢肥厚衣裳則雜遝曼煖燂爍熱暑雖有金石之堅猶將銷鑠而挺解也況其在筋骨之間乎哉故曰縱耳目之欲恣支體之安者傷血脈之和且夫出輿入輦命曰蹶痿之機洞房清宮命曰寒熱之媒皓齒蛾眉命曰伐性之斧甘

脆肥醲命曰腐腸之藥今太子膚色靡曼四支委隨筋骨
挺解血脈淫濯手足情窳越女侍前齊姬奉後往來游譫
縱恣乎曲房隱間之中此甘餐毒藥戲猛獸之爪牙也所
從來者至深遠淹滯永久而不廢雖令扁鵲治內巫咸治
外尙何及哉今如太子之病者獨宜世之君子博見彊識
承間語事變度易意常無離側以爲羽翼淹沈之樂沽唐
之心遁佚之志其奚由至哉太子曰諾病已請事此言客
曰今太子之病可無藥石針刺灸療而已可以要言妙道
說而去也不欲聞之乎太子曰僕願聞之

客曰龍門之桐高百尺而無枝中鬱結之輪菌根扶疏以
分離上有千仞之峯下臨百尺之谿湍流遡波又澹淡之
其根半死半生冬則烈風漂霰飛雪之所激也夏則雷霆
霹靂之所感也朝則鸛黃鵠鳴焉暮則羈雌迷鳥宿焉

獨鵠晨號乎其上。鷄哀鳴翔乎其下。於是背秋涉冬。使琴摯斫斲以爲琴。野蘭之絲以爲絃。孤子之鉤以爲隱。九寡之珥以爲珣。使師堂操暢伯子牙爲之歌。歌曰。麥秀蕭兮。雉朝飛向虛壑。今背槁槐依絕區。兮臨迴溪飛鳥聞之。翕翼而不能去。野獸聞之垂耳而不能行。蚊螻蟻蟻聞之。挂喙而不能前。此亦天下之至悲也。太子能彊起聽之乎。太子曰。僕病未能也。

客曰。狗牛之腴菜以筍蒲肥。狗之和冒以山膚。楚苗之實安胡之飯。搏之不解。一啜而散。於是使伊尹煎熬易牙調和。熊蹯之臠。芍藥之醬。薄耆之炙。鮮鯉之膾。秋黃之蘇。白露之茹。蘭英之酒。酌以滌口。山梁之餐。麋豹之胎。小飯大歡。如湯沃雪。此亦天下之至美也。太子能彊起嘗之乎。太子曰。僕病未能也。

客曰鍾岱之牡齒至之車前似飛鳥後類距虛鴉麥服處
躁中煩外羈堅轡附易路於是伯樂相其前王良造父爲
之御秦韃樓季爲之右此兩人者馬佚能止之車覆能起
之於是使射干鎡之重爭千里之逐此亦天下之至駿也
太子能彊起乘之乎太子曰僕病未能也

客曰旣登景夷之臺南望荆山北望汝海左江右湖其樂
無有於是使博辯之士原本山川極命草木比物屬事離
辭連類浮游覽觀乃下置酒於虞懷之宮連廊四注臺城
層構紛紜元綠輦道邪交黃池紆曲涵章白鷺孔鳥鴈鵠
鵠鵠鵠鵠翠鬣紫纓蜩龍德牧邕世羣鳴陽魚騰躍奮翼
振鱗淑溍壽蓼蔓草芳苓女桑河柳素葉紫莖苗松豫章
條上造天梧桐并檣極望成林衆芳芬鬱亂於五風從容
倚靡消息陽陰列坐縱酒蕩樂娛心景春佐酒杜連理音

滋味雜陳肴糅錯該練色娛目流聲悅耳於是乃發激楚之結風揚鄭衛之皓樂使先施徵舒陽文段干吳娃閭嫵傅子之徒雜裾垂髻目窈心與掄流波雜杜若蒙清塵被蘭澤嫵服而御此亦天下之靡麗皓齒廣博之樂也太子能彊起游乎太子曰僕病未能也

客曰將爲太子馴騏驎之馬駕飛軺之輿乘牡駿之乘右夏服之勁箭左烏號之雕弓游涉乎雲林周馳乎蘭澤弭節乎江潭掩青蘋游清風陶陽氣蕩春心逐狡獸集輕禽於是極犬馬之才困野獸之足窮相御之智巧恐虎豹惜鷺鳥逐馬鳴鑣魚跨麋角履游麇兔蹈踐麋鹿汗流沫墜冤伏陵窘無創而死者固足充後乘矣此校獵之至壯也太子能彊起游乎太子曰僕病未能也然陽氣見於睂宇之間侵淫而上幾滿大宅客見太子有悅色也遂推而進

之日冥火薄天。兵車雷運。旌旗偃蹇。羽旄肅紛。馳騁角逐。慕味爭先。徽墨廣博。望之有圻。純粹全犧。獻之公門。太子曰善。願復聞之。客曰未旣於是。榛林深澤。煙雲闇莫。兕虎並作。毅武孔猛。袒裼身薄。白刃磴磴。矛戟交錯。收獲掌功。賞賜金帛。掩蘋肆若。爲牧人席。旨酒嘉肴。羞包膾炙。以御賓客。涌觴並起。動心驚耳。誠必不悔。使絕以諾。貞信之色形於金石。高歌陳唱。萬歲無數。此真太子之所喜也。能彊起而游乎。太子曰僕甚願從。直恐爲諸大夫累耳。然而有起色矣。

客曰將以八月之望與諸侯遠方交游。兄弟並觀濤乎。廣陵之曲江至則未見濤之形也。徒觀水力之所到。則卹然足以駭矣。觀其所駕軼者。所擢拔者。所揚汨者。所溫汾者。所滌汔者。雖有心略辭給。固未能縷形其所由然也。况今

忽兮聊兮慄兮混汨汨兮忽兮慌兮倂兮儻兮浩漭漭兮
慌曠曠兮秉意乎南山通望乎東海虹洞兮蒼天極慮乎
崖溪流攬無窮歸神日母汨乘流而下降兮或不知其所
止或紛紜其流折兮忽繆往而不來臨朱汜而遠逝兮中
虛煩而益怠莫離散而發曙兮內存心而自持於是澡槩
胸中灑練五藏漱澹手足頰濯髮齒揄棄恬怠輸寫澳濁
分決狐疑發皇耳目當是之時雖有淹病滯疾猶將伸偃
起蹙發瞽披聾而觀望之也況直眇小煩懣醒醲病酒之
徒哉故曰發蒙解惑不足以言也太子曰善然則濤何氣
哉客曰不記也然聞於師曰似神而非者三疾雷聞百里
江水逆流海水上潮山出內雲日夜不止衍溢漂疾波湧
而濤起其始起也洪淋淋焉若白鷺之下翔其少進也浩
浩澄澄如素車白馬帷蓋之張其波涌而雲亂擾擾焉如

三軍之騰裝其旁作而奔起也。飄飄焉如輕車之勒兵。六
駕蛟龍附從。太白純馳。浩蜺前後。絡繹顛。顛印。印据据。疆
疆莘莘。將將壁壘重堅。沓雜似軍行。訇隱。訇。磕。軋。盤。涌。裔
原不可當。觀其兩旁。則塲勃鬱。閭漠感。突上擊。下。肆。有
似勇壯之卒。突怒而無畏。蹈壁衝津。窮曲隨隈。踰岸出追
遇者死。當者壞。初發乎。或圍之。津涯芴軫。谷分迴。荆青茂
銜枚。檀桓。弭節。伍子之山。通厲胥母之場。陵赤岸。簪扶桑
橫奔。似雷行。誠奮厥武。如振如怒。沌沌。渾渾。狀如奔馬。混
混。庀庀。聲如雷鼓。發怒。沓。清。升。踰。蹕。侯。波。奮。振。合。戰。於
藉藉之口。鳥不及飛。魚不及迴。獸不及走。紛紛翼翼。波涌
雲亂。蕩取南山。背擊北岸。覆虧邱陵。平夷西畔。險險戲戲。
崩壞陂池。決勝乃罷。御汨潺湲。披揚流澀。橫暴之極。魚鼈
失勢。顛倒偃側。沈沈。援援。蒲伏連延。神物怪疑。不可勝言。

直使人踣焉洄閤悽愴焉此天下怪異詭觀也太子能彊起觀之乎太子曰僕病未能也

客曰將爲太子奏方術之士有資略者若莊周魏牟楊朱墨翟便蜎詹何之倫使之論天下之精微理萬物之是非孔老覽觀孟子持籌而算之萬不失一此亦天下要言妙道也太子豈欲聞之乎於是太子據几而起曰渙乎若一聽聖人辯士之言忽然汗出霍然病已

漢武帝秋風辭。

秋風起兮白雲飛草木黃落兮雁南歸蘭有秀兮菊有芳攜佳人兮不能忘泛樓船兮濟汾河橫中流兮揚素波簫鼓鳴兮發棹歌歡樂極兮哀情多少壯幾時兮柰老何

漢武帝瓠子歌。

瓠子決兮將柰何皓皓洋洋兮閭殫爲河殫爲河兮地不

得甯功無已時兮吾山平吾山平兮鉅野溢魚沸鬱兮柏
冬日延道弛兮離常流蛟龍騁兮放遠游歸舊川兮神哉
沛不封禪兮安知外皇謂河伯兮何不仁泛濫不止兮愁
吾人鬻桑悖兮淮泗滿久不反兮水維緩

河湯湯兮激潏潏北渡迄兮浚流難牽長筴兮湛美玉河
伯許兮薪不屬薪不屬兮衛人罪燒蕭條兮噫乎何以御
水隕林竹兮礎石菑宣防塞兮萬福來

淮南小山招隱士志所云淮南王羣臣賦也文選直題爲
淮南王安作招隱士志所云淮南王羣臣賦也文選直題爲

桂樹叢生兮山之幽偃蹇連卷兮枝相繚山氣氤氳兮石
嵯峨谿谷嶄巖兮水曾波援欬羣嘯兮虎豹嗥攀援桂枝
兮聊淹留王孫游兮不歸春草生兮萋萋歲暮兮不自聊
蟋蟀鳴兮啾啾塊兮軋山曲岫心淹留兮洞荒忽罔兮沕

無所容居其故何也東方先生喟然長息仰而應之曰是故非子之所能備彼一時也此一時也豈可同哉夫蘇秦張儀之時周室大壞諸侯不朝力政爭權相禽以兵并爲十二國未有雌雄得士者彊失士者亡故說得行焉身處尊位珍寶充內外有廩倉澤及後世子孫長享今則不然聖帝流德天下震懼諸侯賓服威振四夷連四海之外以爲帶安於覆盂天下平均合爲一家動發舉事猶運之掌賢與不肖何以異哉遵天之道順地之理物無不得其所故綏之則安動之則苦尊之則爲將卑之則爲虜抗之則在青雲之上抑之則在深淵之下用之則爲虎不用則爲鼠雖欲盡節效情安知前後夫天地之大士民之衆竭精馳說並進輻湊者不可勝數悉力慕之困於衣食或失門戶使蘇秦張儀與僕並生於今之世曾不得掌故安敢望

侍郎平傳曰天下無害舊雖有聖人無所施才上下相同
雖有賢者無所立功故曰時異事異雖然安可以不務修
身乎哉詩曰鐘鼓于宮聲聞于外鶴鳴九皋聲聞于天苟
能修身何患不榮太公體行仁義七十有二乃設用於文
武得信厥說封於齊七百歲而不絕此士所以日夜孳孳
修學敏行而不敢怠也譬若鵠鵠飛且鳴矣傳曰天不爲
人之惡寒而輟其冬地不爲人之惡險而輟其廣君子不
爲小人之匈匈而易其行天有常度地有常形君子有常
行君子道其常小人計其功詩曰禮義之不愆何恤人之
言上既云當修身矣而東方行事乃如有遺行者故此下
復言己之修身乃在大德而不拘小節但求自得本心
之安而已故世尤不能識之水至清則無魚人至察則無徒冕而前旒
所以蔽明黻纁充耳所以塞聰明有所不見聰有所不聞
舉大德赦小過無求備於一人之義也枉而直之使自得

之優而柔之使自求之揆而度之使自索之蓋聖人之教化如此欲其自得之自得之則敏且廣矣何紀瞻云木望反言明有所遺武帝知之不盡者若道固然今世之處士時雖不用塊然無徒席然獨居上觀許由下察接輿計同范蠡忠合子胥天下和平與義相扶寡偶少徒固其宜也子何疑於子哉若夫燕之用樂毅秦之任李斯漢用酈食其之下齊說行如流曲從如環所欲必得功若邱山海內定國家安是遇其時者也子又何怪之邪語曰以管窺天以蠡測海以筵撞鐘豈能通其條貫考其文理發其音聲哉猶是觀之譬猶鼃鼃之襲狗孤豚之咋虎至則靡耳何功之有今以下愚而非處士雖欲勿困固不得已此適足以明其不知權變而終惑於大道也

辭賦類五

古文辭類纂六十五

司馬長卿子虛賦○○○

楚使子虛使於齊王悉發車騎與使者出畋畋罷子虛過
妊烏有先生亡是公存焉坐定烏有先生問曰今日畋樂
乎子虛曰樂獲多乎曰少然則何樂對曰僕樂齊王之欲
夸僕以車騎之衆而僕對以雲夢之事也曰可得聞乎子
虛曰可王車駕千乘選徒萬騎畋於海濱列卒滿澤罟網
彌山掩兔麟鹿射麋脚麟驚於鹽浦割鮮染輪射中獲多
矜而自功顧謂僕曰楚亦有平原廣澤游獵之地饒樂若
此者乎楚王之獵孰與寡人乎僕下車對曰臣楚國之鄙
人也幸得宿衛十有餘年時從出游游於後園覽於有無
然猶未能徧觀也又焉足以言其外澤乎齊王曰雖然略
以子之所聞見而言之僕對曰唯唯臣聞楚有七澤嘗見

其一未覩其餘也臣之所見蓋特其小小者耳名曰雲夢
雲夢者方九百里其中有山焉其山則盤紆峩鬱隆崇崔
崒岑峯參差日月蔽虧交錯糾紛上干青雲罷池陂陀下
屬江河其土則丹青赭堊雌黃白垺錫碧金銀衆色炫燿
照爛龍鱗其石則赤玉玫瑰琳琅毘吾瑊玳元厲礪石砮
砮其東則有蕙圃蘅蘭茝若射干芎藭菖蒲江離蘼蕪諸
柘巴苴其南則有平原廣澤登降陟靡案衍壇曼緣以大
江限以巫山其高燥則生葳蕤苞荔薛莎青蘋其卑溼則
生藏蓂菰葭東籜彫胡蓮藕菰蘆菴闢軒于衆物居之不
可勝圖其西則有湧泉清池激水推移外發芙蓉菱華內
隱鉅石白沙其中則有神龜蛟鼉瑇瑁鼈鼉其北則有陰
林巨樹楸枏豫樟桂椒木蘭檠離朱楊檣梨棗橘柚芬
芳其上則有鸞雛孔鸞騰遠射于其下則有白虎元豹曼

蜺。龜。狂。於。是。乎。乃。使。專。諸。之。倫。手。格。此。獸。楚。王。乃。駕。馴。駘。
之。駟。乘。彫。玉。之。輿。靡。魚。鬚。之。撓。旃。曳。明。月。之。珠。旗。建。干。將。
之。雄。戟。左。烏。號。之。彫。弓。右。夏。服。之。勁。箭。陽。子。驂。乘。熾。阿。爲。
御。案。節。未。舒。卽。陵。狡。獸。蹴。蛩。蛩。鱗。距。虛。軼。野。馬。轉。駒。駘。乘。
遺。風。射。游。騏。倏。呻。倩。洌。雷。動。森。至。星。流。霆。擊。弓。不。虛。發。中。
必。使。眦。洞。胸。達。掖。絕。乎。心。繫。獲。若。雨。獸。拚。草。蔽。地。於。是。楚。
王。乃。弭。節。徘徊。朝。翔。容。與。覽。乎。陰。林。此卽其北觀。壯。士。之。
暴。怒。與。猛。獸。之。恐。懼。微。紈。受。詘。殫。覩。衆。物。之。變。態。於。是。鄢。
女。曼。姬。被。阿。緡。揄。紵。編。雜。織。羅。垂。霧。縠。襃。積。褰。縹。紵。徐。委。
曲。鬱。撓。谿。谷。紛。紛。排。排。揚。袍。戍。削。蜚。織。垂。髻。扶。輿。倚。靡。翫。
呶。萃。蔡。下。靡。蘭。蕙。上。拂。羽。蓋。錯。翡。翠。之。葳。蕤。繆。繞。玉。綏。眇。
眇。忽。忽。若。神。仙。之。髣。髴。於。是。乃。相。與。僚。於。蕙。圃。此卽東
姍。勃。率。而。上。乎。金。隄。拚。翡。翠。射。駿。驥。微。繪。出。熾。繖。施。七。白。

鵠連駕驚雙鵠下元鶴加怠而後發游於清池

此卽西之涌泉清池

浮文鵠揚旌拽張翠帷建羽蓋網瑇鉤紫貝縱金鼓吹
鳴籟榜人歌聲流喝水蟲駭波鴻沸涌泉起奔揚會礪石
相擊礪礪礪礪若雷霆之聲聞乎數百里之外將息獠者
擊靈鼓起烽燧車案行騎就隊纚乎淫淫般乎裔裔於是
楚王乃登雲陽之臺

雲陽在巫山下此卽至其高也

泊乎無爲澹乎自持

勺藥之和具而後御之不若大王終日馳騁曾不下與將
割輪焯自以爲娛臣竊觀之齊殆不如於是齊王無以應
僕也烏有先生曰是何言之過也足下不遠千里來貺齊
國王悉發境內之士備車騎之衆與使者出畋乃欲戮力
致獲以娛左右何名爲夸哉問楚地之有無者願聞大國
之風烈先生之餘論也今足下不稱楚王之德厚而盛推
雲夢以爲高奢言淫樂而顯侈靡竊爲足下不取也必若

所言固非楚國之美也無而言之是害足下之信也彰君
惡傷私義二者無一可而先生行之必且輕於齊而累於
楚矣且齊東階鉅海南有琅邪觀乎成山射乎之罘浮渤
澥游孟諸邪與肅慎爲鄰右與陽谷爲界秋田乎青邱彷徨
乎海外吞若雲夢者八九於其胸中曾不帶芥若乃倣
儼瑰瑋異方殊類珍怪鳥獸萬端鱗萃充牣其中不可勝
記禹不能名禹不能計然在諸侯之位不敢言游戲之樂
苑囿之大先生又見客是以王辭不復何爲無以應哉
司馬長卿上林賦。

亡是公听然而笑曰楚則失矣而齊亦未爲得也夫使諸
侯納貢者非爲財幣所以述職也封疆畫界者非爲守禦
所以禁淫也今齊列爲東藩而外私肅慎捐國蹙限越海
而田其於義固未可也且夫二君之論不務明君臣之義

正諸侯之禮。徒事爭遊戲之樂。苑囿之大。欲以奢侈相勝。
荒淫相越。此不可以揚名發譽而適足以卑君自損也。且
夫齊楚之事。又焉足道乎。君未覩夫巨麗也。獨不聞天子
之上林乎。左蒼梧。右西極。丹水更其南。紫淵徑其北。終始
滂澹。出入涇渭。鄠鎬。潏潏。紆餘委蛇。經營乎其內。蕩蕩乎。
八川分流。相背而異。態。東西南北。馳騫往來。出乎椒邱之
闕。行乎洲淤之浦。經乎桂林之中。過乎泱泱之壁。汨乎混
流。順阿而下。赴隘陁之口。觸穹石。激堆埼。沸乎暴怒。洶湧
澎湃。潏潏。沓汨。偃側泌瀝。橫流逆折。轉騰灑洑。滂沱沆漑。
慨穹隆。雲繞宛渾。膠盭踰波。趨汜汜。泣下瀨。披巖衝。擁奔揚。
滯沛臨坻。注壑瀼瀼。潛沈沈。隱隱。砰礚訇礚。潏潏。漚漚。
潏潏。滄漭。鼎沸。馳波。跳沫。汨急。漂疾。悠遠。長懷。寂寥。無聲。肆乎
永歸。然後灝灝潢潢。漾安翔徐回。翯乎滈滈。東注太湖。衍溢。

文六十五

夢。呖。莠。於。是。乎。周。覽。泛。觀。縝。紛。軋。芴。芒。芒。恍。忽。視。之。無。端。
祭。之。無。涯。日。出。東。沼。入。乎。西。陂。其。南。則。隆。冬。生。長。涵。水。躍。
波。其。獸。則。獬。廌。獬。廌。犖。沈。牛。麀。麀。赤。首。圓。題。窮。奇。象。犀。其。北。
則。盛。夏。含。凍。裂。地。涉。冰。揭。河。其。獸。則。麒。麟。角。端。駒。駉。橐。駝。
蜚。蜚。驪。騷。駃。騶。驪。驪。於。是。乎。離。宮。別。館。彌。山。跨。谷。高。廊。四。
注。重。坐。曲。閣。華。棖。璧。璫。輦。道。纚。屬。步。櫚。周。流。長。途。中。宿。夷。
嶠。築。堂。累。臺。增。成。巖。窈。洞。房。頰。杳。眇。而。無。見。仰。攀。橑。而。捫。
天。奔。星。更。於。閨。闈。宛。虹。地。於。楯。軒。青。龍。蚺。蜺。於。東。廂。象。與。
婉。俾。於。西。清。靈。囿。燕。於。閒。館。倜。傔。之。倫。暴。於。南。榮。醴。泉。涌。
於。清。室。通。川。過。於。中。庭。盤。石。振。崖。嶽。巖。倚。傾。嵯。峨。嶮。嶮。刻。
削。崢。嶸。玫。瑰。碧。琳。珊。瑚。叢。生。璿。玉。旁。唐。玢。幽。文。鱗。赤。取。駁。
犖。雜。而。其。間。晁。采。琬。琰。和。氏。出。焉。於。是。乎。盧。橘。夏。孰。黃。甘。
橙。檳。枇。杷。樨。柿。亭。柰。厚。朴。枵。棗。楊。梅。櫻。桃。蒲。陶。隱。夫。莫。楫。

苔。逕。離。支。羅。乎。後。宮。列。於。北。園。馳。邱。陵。下。平。原。揚。翠。葉。杪。
紫。莖。發。紅。華。垂。朱。榮。煌。煌。扈。扈。照。曜。鉅。野。沙。棠。櫟。櫟。華。楓。
枹。櫨。畱。落。胥。邪。仁。頻。并。閭。槐。檀。木。蘭。豫。章。女。貞。長。千。仞。大。
連。抱。夸。條。直。暢。實。葉。蔭。楸。攢。立。叢。倚。連。卷。欒。倮。崔。錯。發。飀。
抗。衡。間。柯。垂。條。扶。疏。落。英。幡。纒。紛。落。箭。蓼。猗。猗。從。風。瀏。莅。
卉。欲。蓋。象。金。石。之。聲。管。籥。之。音。傑。池。芷。虬。旋。還。乎。後。宮。雜。
襲。紫。輯。被。山。緣。谷。循。坂。下。隰。視。之。無。端。究。之。無。窮。於。是。乎。
元。猿。素。雌。雌。攫。飛。蠅。蛭。蜩。蠖。猱。獬。胡。穀。蛭。棲。息。乎。其。間。長。
嘯。哀。鳴。翩。幡。互。經。天。螭。枝。格。偃。蹇。杪。顛。踰。絕。梁。騰。殊。棒。捷。
垂。條。掉。希。間。牢。落。陸。離。爛。熳。遠。遷。若。此。者。數。百。千。處。娛。游。
往。來。宮。宿。館。舍。庖。廚。不。徙。後。宮。不。移。百。官。備。具。於。是。乎。背。
秋。涉。冬。天。子。校。獵。乘。鏤。象。六。玉。虬。旌。旄。旌。靡。雲。旗。前。皮。軒。
後。道。游。孫。叔。奉。轡。衛。公。參。乘。扈。從。橫。行。出。乎。四。校。之。中。鼓。

鵲。揜。焦。明。道。盡。塗。殫。迴。車。而。還。招。搖。乎。懷。佯。降。集。乎。北。紘。
率。乎。直。指。掩。乎。反。鄉。歷。石。關。歷。封。巒。過。鳩。鵲。望。露。寒。下。棠。
黎。息。宜。春。西。馳。宣。曲。濯。鵠。牛。首。登。龍。臺。掩。細。柳。觀。士。大。夫。
之。勤。略。均。獵。者。之。所。得。獲。徒。車。之。所。轡。轢。步。騎。之。所。蹂。若。
人。臣。之。所。蹈。藉。與。其。窮。極。倦。欲。驚。憚。讐。伏。不。被。創。刃。而。死。
者。他。他。藉。藉。填。阡。滿。谷。掩。平。彌。澤。於。是。乎。游。戲。懈。怠。置。酒。
乎。顓。天。之。臺。張。樂。乎。膠。葛。之。寓。撞。千。石。之。鍾。立。萬。石。之。虞。
建。翠。華。之。旗。樹。靈。鼉。之。鼓。奏。陶。唐。氏。之。舞。聽。葛。天。氏。之。歌。
千。人。倡。萬。人。和。山。陵。爲。之。震。動。川。谷。爲。之。蕩。波。巴。渝。宋。蔡。
淮。南。千。遮。文。成。顛。歌。族。居。遞。奏。金。鼓。迭。起。鏗。鏘。闐。鞀。洞。心。
駭。耳。荆。吳。鄭。衛。之。聲。韶。濩。武。象。之。樂。陰。淫。案。衍。之。音。鄢。郢。
續。紛。激。楚。結。風。俳。優。侏。儒。狄。韞。之。倡。所。以。娛。耳。目。樂。心。意。
者。麗。靡。爛。漫。於。前。靡。曼。美。色。於。後。若。夫。青。琴。宓。妃。之。徒。絕。

殊離俗妖冶嫺都靚粧刻飾便嬛綽約柔撓嫵嫵嫵嫵
弱洩獨蕭之繇視眇閭易以卹削便嫵嫵嫵與俗殊服芬
芳漚鬱酷烈淑郁皓齒粲爛宜笑的饒長眉連娟微睇態
藐色授魂與心愉於側於是酒中樂酣天子芒然而思似
若有亡曰嗟乎此太奢侈朕以覽聽餘閒無事棄日順天
道以殺伐時休息於此恐後葉靡麗遂往而不返非所以
爲繼嗣創業垂統也於是乎乃解酒罷獵而命有司曰地
可墾闢悉爲農郊以瞻萌隸頽牆填塹使山澤之人得至
焉實陂池而勿禁虛宮館而勿仞發倉廩以救貧窮補不
足恤鰥寡存孤獨出德號省刑罰改制度易服色革正朔
與天下爲更始於是歷吉日以齋戒襲朝服乘法駕建華
旗鳴玉鸞游于六藝之圃馳騫乎仁義之塗覽觀春秋之
林射狸首兼騶虞弋元鶴舞干戚載雲罕掩羣雅悲伐檀

樂樂胥修容乎禮園翱翔乎書圃述易道放怪獸登明堂
坐清廟次羣臣奏得失四海之內靡不受獲於斯之時天
下大悅向風而聽隨流而化崦然興道而遷義刑錯而不
用德隆於三王而功羨於五帝若此故獵乃可喜也若夫
終日馳騁勞神苦形罷車馬之用抗士卒之精費府庫之
財而無德厚之恩務在獨樂不顧衆庶忘國家之政貪雉
兔之獲則仁者不由也從此觀之齊楚之事豈不哀哉地
方不過千里而固居九百是草木不得墾闢而民無所食
也夫以諸侯之細而樂萬乘之侈僕恐百姓被其尤也於
是二子愀然改容超若自失逡巡避席曰鄙人固陋不知
忌諱乃今日見教謹受命矣

合河蕭氏
耐輝家訓

辭賦類六

古文辭類纂六十六

司馬長卿哀二世賦

登陂陲之長坂兮，坐人曾宮之嵯峨。臨山江之隍州兮，望南山之參差巖巖。深山之嵒嵒兮，通谷豁乎谿谿。汨滅鞞以永逝兮，注平皋之廣衍。觀衆樹之蓊鬱兮，覽竹林之榛榛。東馳土山兮，北揭石瀨。弭節容與兮，歷弔二世。持身不謹兮，亡國失勢。信讒不寤兮，宗廟滅絕。烏乎操行之不得，墓蕪穢而不修兮，魂亡歸而不食。

司馬長卿大人賦。聖按此賦多取於遠游。遠游先訪求中覽天地之間，自於微闕以下，分東南西北四段。此賦自橫厲飛泉以正東以下，分東南西北四段。而求仙人之居意，卽載其間。末六句與遠游語同。然屈子意在遠去，世之沈濁故云至清而與太初爲鄰。長卿則謂帝若果能爲仙人，卽居此無聞無見，無友之地亦胡樂乎此邪？與屈子語同而意別矣。

世有大人兮，在於中州。宅彌萬里兮，曾不足以少留悲世。

俗之迫隘兮，竭輕舉而遠游。垂絳幡之素蜺兮，載雲氣而
上浮。建格澤之長竿兮，總光耀之采旄。垂旬始以爲慘兮，
挾彗星而爲髯。掉指橋以偃蹇兮，又旖旎以招搖。攬機槍
以爲旌兮，靡屈虹而爲綢。紅沓渺以眩潛兮，焱風涌而雲
浮。駕應龍象輿之螭略，透麗兮。驂赤驪青虬之蝸蟻，蜿蜒
低仰。天螭据以驕驚兮，訕折隆窮。蠖以連卷，沛艾起蜺。仡
以怡儼兮，放散畔岸。驤以屏顏，踣躡輶容。以委麗兮，綢繆
偃蹇。怵與以梁倚，糾蓼叫募。踟以殷路兮，蔑蒙踊躍。騰
而狂趙，涖颯卉翕。燦至電過兮，煥然霧除。霍然雲消，邪絕
少陽。而登太陰兮，與真人乎相求。互折窈窕，以右轉兮。橫
厲飛泉，以正東。悉徵靈圉，而選之兮。部乘衆神，於瑤光。使
五帝先導兮，反太一而從陵陽。左元冥而右含靈兮，前陸
離而後滂溲。旣征北僑，而役羨門兮。屬岐伯，使尙方祝融。

驚而蹕御兮清氛氣而後行屯余車其萬乘兮絳雲蓋而
樹華旗使句芒其將行兮吾欲往乎南嬉歷唐堯於崇山
兮過虞舜於九疑紛紛湛湛其差錯兮雜遝膠葛以方馳騷
擾衝葢其相紛挐兮滂溥泱軋灑以林離鑽羅列聚叢以
龍茸兮衍曼流爛壇以陸離徑入雷室之砰磷鬱律兮洞
出鬼谷之岨礪鬼壤徧覽八紘而觀四荒兮揭渡九江而
越五河經營炎火而浮弱水兮杭絕浮渚而涉流沙奄息
總極汜濫水嬉兮使靈媧鼓瑟而舞馮夷時若薨薨將混
濁兮召屏翳誅風伯而刑雨師西望崑崙之軋沕恍忽兮
直徑馳乎三危排閭闔而入帝宮兮載玉女而與之歸舒
閭風而搖集兮亢烏騰而一止低回陰山翔以紆曲兮吾
乃今日睹西王母曜然白首戴勝而穴處兮亦幸有三足
鳥爲之使必長生若此而不死兮雖濟萬世不足以喜回

車謁來兮絕道不周會食幽都呼吸沆瀣飡朝霞兮嘒咀
芝英兮噉瓊華媿侵潯而高縱兮紛鴻涌而上厲貫列缺
之倒景兮涉豐隆之湧沛馳游道而修降兮騫遺霧而遠
逝迫區中之隘陝兮舒節出乎北垠遺屯騎於元闕兮軼
先驅於寒門下崢嶸而無地兮上寥廓而無天視眩眠而
無見兮聽愴怳而無聞乘虛無而上假兮超無友而獨存
司馬長卿長門賦○○○

孝武皇帝陳皇后時得幸頗妒別在長門宮愁悶悲思聞
蜀郡成都司馬相如天下工爲文奉黃金百斤爲相如文
君取酒因于解悲愁之辭而相如爲文以悟主上皇后復
得幸其辭曰夫何一佳人兮步逍遙以自虞魂踰佚而不
返兮形枯槁而獨居言我朝往而暮來兮飲食樂而忘人
心嫌移而不省故兮交得意而相親伊予志之慢愚兮懷

貞慙之歡心願賜問而自進兮得尙君之玉音奉虛言而
望誠兮期城南之離宮修薄具而自設兮君曾不宥乎幸
臨廓獨潛而專精兮天飄飄而疾風登蘭臺而遙望兮神
怳怳而外淫浮雲鬱而四塞兮天窈窕而晝陰雷隱隱而
響起兮聲象君之車音飄風迴而赴闥兮舉帷幄之襜褕
桂樹交而相紛紛兮芳酷烈之闐闐孔雀集而相存兮元猿
嘯而長吟翡翠脅翼而來萃兮鸞鳳飛而北南心憑噫而
不舒兮邪氣壯而攻中下蘭臺而周覽兮步從容於深宮
正殿塊以造天兮鬱並起而穹崇閒徙倚於東廂兮觀夫
靡靡而無窮擠玉戶以撼金鋪兮聲噌吰而似鐘音刻木
蘭以爲榱兮飾文杏以爲梁羅丰茸之游樹兮離樓梧而
相撐施瑰木之櫛櫨兮委參差以棟梁時髣髴以物類兮
象積石之將將五色炫以相曜兮煥爛燿而成光綴錯石

之。佩。臂。兮。象。璫。珥。之。文。章。張。羅。綺。之。幔。帷。兮。垂。楚。組。之。連。
綱。撫。桂。櫺。以。從。容。兮。覽。曲。臺。之。央。央。白。鶴。噉。以。哀。號。兮。孤。
雌。踣。於。枯。楊。日。黃。昏。而。望。絕。兮。悵。獨。託。於。空。堂。懸。明。月。以。
自。照。兮。徂。清。夜。於。洞。房。援。雅。琴。以。變。調。兮。奏。愁。思。之。不。可。
長。案。流。徵。以。却。轉。兮。聲。幼。妙。而。復。揚。貫。歷。覽。其。中。操。兮。意。
慷慨。而。自。叩。左。右。悲。而。垂。淚。兮。涕。流。離。而。從。橫。舒。息。挹。而。
增。歎。兮。蹠。履。起。而。彷徨。偷。長。袂。以。自。翳。兮。數。昔。日。之。讐。殃。
無。面。目。之。可。顯。兮。遂。頽。思。而。就。床。搏。芬。若。以。爲。枕。兮。席。荃。
蘭。而。蔭。香。忽。寢。寐。而。夢。想。兮。魂。若。君。之。在。旁。惕。寐。覺。而。無。
見。兮。魂。廷。廷。若。有。亡。衆。雞。鳴。而。愁。予。兮。起。視。月。之。精。光。觀。
衆。星。之。行。列。兮。畢。昂。出。於。東。方。望。中。庭。之。藹。藹。兮。若。季。秋。
之。降。霜。夜。曼。曼。其。若。歲。兮。懷。鬱。鬱。其。不。可。再。更。澹。偃。蹇。而。
待。曙。兮。荒。亭。亭。而。復。明。妾。人。竊。自。悲。兮。究。年。歲。而。不。敢。忘。

司馬長卿難蜀父老。

漢興七十有八載德茂存乎六世威武紛紜湛恩汪濊羣生霑濡洋溢乎方外於是乃命使西征隨流而攘風之所被罔不披靡因朝冉從驍定笮存邛略斯揄舉苞蒲結軌還轅東嚮將報至於蜀都耆老大夫搢紳先生之徒二十有七人儼然造焉辭畢進曰蓋聞天子之牧夷狄也其義羈縻勿絕而已今疲三郡之士通夜郎之途三年於茲而功不竟士卒勞倦萬民不贍今又接之以西夷百姓力屈恐不能卒業此亦使者之累也竊爲左右患之且夫邛笮西夷之與中國並也歷年茲多不可記已仁者不以德來強者不以力并意者其殆不可乎今割齊民以附夷狄倣所恃以事無用鄙人固陋不識所謂使者曰烏謂此乎必若所云則是蜀不變服而巴不化俗也僕嘗惡聞若說然

斯事體大固非觀者之所覩也余之行急其詳不可得聞
已請爲大夫祖陳其略蓋世必有非常之人然後有非常
之事有非常之事然後有非常之功夫非常者固常人之
所異也故曰非常之原黎民懼焉及臻厥成天下晏如也
昔者洪水沸出汜濫衍溢民人升降移徙崎嶇而不安夏
后氏感之乃堙洪塞源決江疏河灑沈澹災東歸之於海
而天下永甯當斯之勤豈唯民哉心煩於慮而身親其勞
躬胝無腴膚不生毛故休烈顯乎無窮聲稱浹乎于茲且
夫賢君之踐位也豈特委瑣嵬龔拘文牽俗修誦習傳當
世取說云爾哉必將崇論閎議創業垂統爲萬世規故馳
騫乎兼容并包而勤思乎參天貳地且詩不云乎普天之
下莫非王土率土之濱莫非王臣是以六合之內八方之
外浸淫衍溢懷生之物有不浸潤於澤者賢君恥之今封

疆之內冠帶之倫咸獲嘉祉靡有缺遺矣而夷狄殊俗之國遼絕異黨之域舟車不通人跡罕到政教未加流風猶微內之則犯義侵禮於邊境外之則邪行橫作放殺其上君臣易位尊卑失序父老不辜幼孤爲奴虜繫縲號泣內嚮而怨曰蓋聞中國有至仁焉德洋恩普物靡不得其所今獨曷爲遺己舉踵思慕若枯旱之望雨盪夫爲之垂涕況乎上聖又焉能已故北出師以討彊胡南馳使以誚勁越四面風德二方之君鱗集仰流願得受號者以億計故乃關沫若徼牂牁鏤靈山梁孫原創道德之塗垂仁義之統將博恩廣施遠撫長駕使疏逖不閉習爽闇昧得輝乎光明以偃甲兵於此而息討伐於彼遐邇一體中外禔福不亦康乎夫拯民於沈溺奉至尊之休德反衰世之陵夷繼周氏之絕業天子之亟務也百姓雖勞又惡可以已乎

哉且夫王者固未嘗不始於憂勤而終於逸樂者也然則受命之符合在於此方將增太山之封加梁父之事鳴和鸞揚樂頌上咸五下登三觀者未覩旨聽者未聞音猶鵠鳴已翔乎寥廓之宇而羅者猶視乎藪澤悲夫於是諸大夫茫然喪其所懷來失厥所以進喟然並稱曰允哉漢德此鄙人之所願聞也百姓雖勞請以身先之敝罔靡徙遷延而辭避

司馬長卿封禪文。

蕭塢先生云封禪文相如創爲之體兼賦頌其設意指辭皆翔躡虛無非如揚班之徒誕妄貢諛爲臚實之文也通體結構若無畔岸如雲興水溢一片渾茫駿邈之氣觀揚班之作而後知相如文句句欲活

伊上古之初肇自昊穹之生民歷選列辟以迄於秦率邇

者踵武逖聽者風聲紛綸威蕤湮滅而不稱者不可勝數也繼昭夏崇號謚略可道者七十有二君罔若淑而不昌疇逆失而能存軒轅之前遐哉邈乎其詳不可得聞已五三六經載籍之傳維風可觀也書曰元首明哉股肱良哉因斯以談君莫盛於唐堯臣莫賢於后稷后稷創業於唐堯公劉發跡於西戎文王改制爰周邳隆大行越成堯塢先生云成卽成王也下云躡梁父登泰山而後陵遲衰微千載間管子所云成王封太山禪社首而後陵遲衰微千載亡聲豈不善始善終哉然無異端慎所由於前謹遺教於後耳故軌跡夷易遵也湛恩龐鴻易豐也憲度著明易則也垂統理順易繼也是以業隆於襁褓而崇觀於二后揆厥所元終都攸卒未有殊尤絕跡可考於今者也此處文則使小成王而夸漢實則謂古聖謹慎之道易遵易繼今舍之而更爲浩侈則難以遵繼古聖所未爲而今欲過乎之可然猶躡梁父登太山建顯號施尊名大漢之德逢漢

原泉湧曼羨翊魄四塞雲布霧散上暢九垓下沂八埏
懷生之類霑濡浸潤協氣橫流武節焱逝邇陋游原遐闊
泳沫首惡鬱沒晦昧昭晰昆蟲闔澤回首面內然後囿騶
虞之珍羣微麋鹿之怪獸藁一莖六穗於庖犧雙貉共抵
之獸獲周餘放龜於岐招翠黃乘龍於沼鬼神接靈園賓
於閒館奇物譎詭倂儻窮變欽哉符瑞臻茲猶以爲德薄
不敢道封禪蓋周躍魚隕航休之以燎微夫斯之爲符也
曰陛下仁育羣生義征不譴諸夏樂貢百蠻執贄德侔往
初功無與二休烈浹洽符瑞衆變期應紹至不特創見意
者泰山梁甫設壇場望幸蓋舊唐先生云師古曰蓋發語辭子謂常如考工記輪人爲
蓋之號以況榮上帝垂恩儲祉將以慶成陛下謙讓而弗
發也挈三神之歡缺王道之儀羣臣愿焉或謂且天爲質

觀鳴先生云周頌匪且有且毛傳云且此也閻示珍符固不可辭若然辭之是

秦山靡紀而梁父罔幾也亦各並時而榮咸濟厥世而屈說者尙何稱於後而云七十二君哉夫修德以錫符奉命以行事不爲進越也故聖王不替而修禮地祇謁款天神勒功中嶽以章至尊舒盛德發號榮受厚福以浸黎元皇皇哉斯事天下之壯觀王者之丕業不可貶也願陛下全之而後因雜薦紳先生之略術使獲曜日月之末光絕炎以展案錯事猶兼正列其義被飾厥文作春秋一藝將襲舊六爲七臆之無窮俾萬世得激清流揚微波飛英聲騰茂實前聖所以永保鴻名而常爲稱首者用此宜命掌故悉奏其儀而覽焉於是天子沛然改容曰俞乎朕其試哉乃遷思迴慮總公卿之議詢封禪之事詩大澤之博廣符瑞之富遂作頌曰自我天覆雲之油油甘露時雨厥壤可

游滋液滲漉何生不育嘉穀六穗我穡曷蓄非唯雨之又
潤澤之非唯徧之我汜布護之萬物熙熙懷而慕思名山
顯位望君之來君乎君乎侯不邁哉殷殷之獸樂我君圖
白質黑章其儀可嘉吱吱穆穆君子之態蓋聞其聲今親
其來厥塗靡從天瑞之徵茲亦於舜虞氏以興濯濯之麟
游彼靈時孟冬十月君徂郊祀馳我君與帝用享祉三代
之前蓋未嘗有宛宛黃龍興德而升采色炫耀渙炳輝煌
正陽顯見覺悟黎蒸於傳載之云受命所乘厥之有章不
必諄諄依類託寓喻以封巒披藝觀之天人之際已交上
下相發允荅聖王之德兢兢翼翼故曰於興必慮衰安必
思危是以湯武至尊嚴不失肅祗舜在假典顧省闕遺此
之謂也

辭賦類七

古文辭類纂六十七

揚子雲甘泉賦○○○

孝成帝時客有薦雄文似相如者上方郊祀甘泉泰畤汾陰后土以求繼嗣召雄待詔承明之庭正月從上甘泉還奏甘泉賦以風其辭曰惟漢十世將郊上元定泰畤擁神休尊明號同符三皇錄功五帝卹胤錫羨拓迹開統於是乃命羣僚歷吉日協靈辰星陳而天行詔招搖與太陰今伏鉤陳使當兵屬堪輿以壁壘兮捎夔魑而扶獠狂八神奔而警蹕兮振殷鑠而軍裝蚩尤之倫帶干將而秉玉戚兮飛蒙茸而走陸梁齊總總以搏搏其相膠轕兮猋駭雲迅奮以方攘駢羅列布鱗以雜沓兮傑僂參差魚頡而鳥附翕赫習霍霧集而蒙合兮半散照爛燦以成章於是乘輿迺登夫鳳皇兮而駢華芝駟蒼螭兮六素虬螭略裝綬

灝岸穆繩帥爾陰開霽然陽開騰清霄而軼浮景兮夫何
 旗旄郅偁之旖旎也流星旄以電爝兮咸翠蓋而鸞旗敦
 萬騎於中營兮方玉車之千乘聲駟隱以陸離兮輕先疾
 雷而馭遺風陵高衍之崿嶢兮超紆譎之清澄登椽欒而
 玃天門兮馳閭闔而入淩兢是時未轅夫甘泉也迺望通
 天之繹繹下陰潛以慘凜兮上洪紛而相錯直嶢嶢以造
 天兮厥高慶而不可平彌度平原唐其壇曼兮列新雉於
 林薄攢井闕與茨蒨兮紛被麗其亡鄂崇邱陵之駸駸兮
 深溝欽巖而爲谷遑遑離宮殷以相燭兮封巒石關迤靡
 乎延屬於是大厦雲譎波詭摧囀而成觀仰矯首以高視
 兮日冥眴而無見正瀏濫以宏恂兮指東西之漫漫徒徊
 徊以徬徨兮魂固眇眇而昏亂據軫軒而周流兮忽坎比
 而無垠翠玉樹之青蔥兮璧馬犀之璘璫金人伋伋其承

鐘虞兮嵌巖巖其龍鱗揚光曜之燎爚兮垂景炎之忻忻
配帝居之縣圃兮象太乙之威神洪臺岌其獨出兮檄北
極之嶙嶙列宿迺施於上榮兮日月纔經於枼振雷鬱律
於巖窻兮電儵忽於牆藩鬼魅不能自逮兮半長途而下
顛歷倒景而絕飛梁兮浮蠅蠓而徹天左櫬槍而右元冥
今前標闕而後應門蔭西海與幽都兮涌醴汨以生川蛟
龍連蜷於東厓兮白虎敦圉乎崑崙覽穆流於高光兮溶
方皇於西清前殿崔巍兮和氏玲瓏抗浮柱之飛櫨兮神
莫莫而扶傾閭閭其寥廓兮似紫宮之崢嶸駢交錯而
曼衍兮崦嵫隗乎其相嬰乘雲閣而上下兮紛蒙籠以混
成曳紅采之流離兮颺翠氣之宛延襲璇室與傾宮兮若
登高眇遠亡國肅乎臨淵迴森肆其碣駭兮披桂椒而鬱
移楊香芬芾以宮隆兮擊薄櫨而將榮蘇咲吟以楫批兮

聲。駢。隱。而。歷。鐘。排。玉。戶。而。颺。金。鋪。今。發。蘭。蕙。與。芎。藭。帷。彌。
環。其。拂。汨。今。稍。暗。暗。而。靚。深。陰。陽。清。濁。穆。羽。相。和。今。若。夔。
牙。之。調。琴。般。倅。棄。其。剗。剗。今。王。爾。投。其。鉤。繩。雖。方。征。僑。與。
偃。佺。今。猶。彷彿。其。若。夢。於是。事。變。物。化。目。駭。耳。回。蓋。天。子。
穆。然。珍。臺。閒。館。璇。題。玉。英。蠶。蛭。蠅。蠖。濩。之。中。惟。夫。所。以。澄。心。
清。魂。儲。精。垂。恩。感。動。天。地。逆。釐。三。神。者。迺。搜。求。索。偶。皋。伊。
之。徒。冠。倫。魁。能。函。甘。棠。之。惠。挾。東。征。之。意。相。與。濟。乎。陽。靈。
之。宮。靡。薜。荔。而。爲。席。今。折。瓊。枝。以。爲。芳。曄。清。雲。之。流。霞。今。
飲。若。木。之。露。英。集。乎。禮。神。之。囿。登。乎。頌。祇。之。堂。建。光。耀。之。
長。旂。今。昭。華。覆。之。威。威。攀。璇。璣。而。下。視。今。行。游。目。乎。三。危。
陳。衆。車。於。東。阬。今。肆。玉。軼。而。下。馳。漂。龍。淵。而。還。九。垠。今。窺。
地。底。而。上。迴。風。從。從。而。扶。轄。今。鸞。鳳。紛。其。銜。蕤。梁。弱。水。之。
漈。濛。今。躡。不。周。之。逶。蛇。想。西。王。母。欣。然。而。上。壽。今。屏。玉。女。

而却宓妃。玉女亡所眺。其清嘯兮。宓妃會不得施其蛾眉。
方攬道德之精剛兮。侔神明與之爲資。於是欽柴宗祈燎。
薰皇天招搖太乙。舉洪頤樹靈旗。譙蒸昆上。配蔡四施東。
燭滄海西。耀流沙北。熾幽都南。煬丹厓元。瓚觶醪和。炮汁。
淡胖嚮。豐融懿懿。芬芬焱感黃龍兮。燦訛碩麟選巫咸兮。
叫帝闔開天庭兮。延羣神儼暗諂兮。降清壇瑞穰穰兮。委。
如山於是事畢功宏迴車而歸度三巒兮。偈棠梨天閭波。
兮。地垠開八荒協兮。萬國諧登長平兮。雷鼓磕天聲起兮。
勇士厲雲飛揚兮。雨滂沛于胥德兮。龐萬世亂曰崇崇園。
丘陵隱天兮。登降崩施單蜷垣兮。增宮參差駢嵯峨兮。崐。
嶸嶸岫洞無厓兮。上天之緯杳旭并兮。聖皇穆穆信厥對。
兮。徠祇郊禋神所依兮。徘徊招搖靈遲遲兮。輝光炫耀降。
厥福兮。子子孫孫長無極兮。

門灑沈蓄於器瀆兮播九河於東瀕登歷觀而遙望兮聊
浮游以經營樂往昔之遺風兮喜虞氏之所耕畝帝唐之
嵩高兮脈隆周之大甯汨低回而不能去兮行睨陔下與
彭城濺南巢之坎圻兮易幽岐之夷平乘翠龍而超河兮
陟西岳之嶢嶠雲霧靈而來迎兮澤滲離而下降鬱蕭條
其幽謁兮滄汎沛以豐隆叱風伯於南北兮呵雨師於西
東參天地而獨立兮廓盪盪其亡雙遵逝乎歸來以留夏
之大漢兮彼會何足與比功建乾坤之貞兆兮將悉總之
以羣龍麗鉤芒與驂蓐收兮服元冥及祝融敦衆神使式
道兮奮六經以撫頌險於穆之緝熙兮過清廟之離離軼
五帝之遐迹兮躡三皇之高蹤既發軔於平盈兮誰謂路
遠而不能從上林之末有游乎六藝之圃及騁用書圖之
語此文法之借行游爲喻言以天道爲車馬
以六經爲容行乎帝王之途
何必巡歷山川以爲觀覽乎

揚子雲羽獵賦

羽獵漢書注家不甚詳惟晉語卻虎祕

將負既矣猶疑負既蓋漢以後制悉古人無此章說非也

大司馬職鄭注號名者徵議所以相別在軍象其制爲之

被之以備死事東京賦薛綜注揮爲肩上絳幟如燕尾者

也以在肩上故曰負韓詩外傳子路曰白羽如月赤羽如

朱然則羽者微幟耳以其似羽非真鳥羽也賦內

羽騎營營听分殊事則其取相別識之義明矣

孝成帝時羽獵雄從以爲昔在二帝三王宮觀臺榭沼池

苑囿林麓薮澤財足以奉宗廟御賓客充庖廚而巳不奪

百姓膏腴穀土桑柘之地女有餘布男有餘粟國家殷富

上下交足故甘露零其庭醴泉流其唐鳳皇巢其樹黃龍

游其沼麒麟臻其囿神爵棲其林昔者禹任益虞而上下

和草木茂成湯好田而天下用足文王囿百里民以爲尚

小齊宣王囿四十里民以爲太大裕民之與奪民也武帝

廣開上林東南至宜春鼎湖御宿昆吾旁南山西至長楊

五柞北繞黃山濱渭而東周袤數百里穿昆明池象滇河

營建章鳳闕神明馭娑漸臺太液象海水周流方丈瀛洲
蓬萊游觀侈靡窮妙極麗雖頗割其三垂以贍齊民然至
羽獵甲車戎馬器械儲侍禁籞所營尙泰奢麗誇詡非堯
舜成湯文武三驅之意也又恐後世復修前好不折中以
泉臺故聊因校獵賦以風之其辭曰或稱羲農豈或帝王
之彌文哉論者云否各亦並時而得宜奚必同條而共貫
則泰山之封焉得七十而有二儀是以創業垂統者俱不
見其爽遐邇三五孰知其是非遂作頌曰麗哉神聖處於
元宮富旣與地乎侔貴正與天平比崇齊桓曾不足使
扶轂楚嚴未足以爲驂乘狹三王之阨僻嶠高舉而大興
歷五帝之寥廓涉三皇之登闕建道德以爲師友仁義與
之爲朋於是元冬季月天地隆烈萬物權輿於內殂落於
外帝將惟田于靈之囿開北垠受不周之制以終始顓頊

元冥之統乃詔虞人典澤東延昆鄰西馳閭闔儲積共侍
戎卒夾道斬叢棘夷野草禦自汧渭經營鄴鎬章皇周流
出入日月天與地杳爾乃虎落三嶮以爲司馬圍經百里
而爲殿門外則正南極海邪界虞淵鴻濛沆茫碣以崇山
營合圍會然後先置乎白楊之南昆明靈沼之東賁育之
倫蒙盾負羽杖鏌邪而羅者以萬計其餘荷垂天之畢張
竟埜之梁靡日月之朱竿曳彗星之飛旗青雲爲紛虹蜺
爲纒屬之乎崑崙之墟渙若天星之羅浩如濤水之波淫
淫與與前後要遮欃槍爲闔明月爲候熒惑司命天弧發
射鮮扁陸離駢衍佻路徽車輕武鴻綢緹獵殷殷軫軫被
陵緣岷窮復極遠者相與迺乎高原之上羽騎營營畛分
殊事續紛往來輻輳不絕若光若滅者布乎青林之下於
是天子乃以陽歲始出乎元宮撞鴻鐘建九旒六白虎載

靈輿蚩尤並轂蒙公先驅立歷天之旂曳捎星之旂霹靂
烈缺吐火施鞭萃從沈溶淋離廓落戲八鎮而開關將獵
時先已合圖天子至乃復開關入之然後縱獵飛廉雲師吸嘑瀟率鱗羅布列攢
以龍翰秋秋躊躇入西園切神光望平樂徑竹林蹂蕙圃
踐蘭唐舉烽烈火轡者施技方馳千駟狡騎萬帥虓虎之
陳從橫膠轕森拉雷厲驥駢駘礚洶洶旭旭天動地吸羨
漫半散蕭條數千里外若夫壯士慷慨殊鄉別趣東西南
北騁嗜奔欲地蒼狶跋犀犛蹶浮靡斯亘挺搏元猿騰空
虛距連卷踔天矯嫉澗門莫莫紛紛山谷爲之風森林叢
爲之生塵及至獲夷之徒蹶松柏掌蔌藜獵蒙籠麟輕飛
屢般首帶修蛇鉤赤豹擗象犀跼巒阮超唐陂車騎雲會
登降闢藹泰華爲旒熊耳爲綴木仆山還漫若天外儲與
乎大浦聊浪乎宇內於是天清日晏逢蒙列皆嵩塢先生
云易列其

夤列卽昇氏控弦皇車幽輻光純天地望舒彌轡翼乎徐
至於上蘭移園徙陳浸淫蹙部曲隊堅重各案行伍壁壘
天旋神扶電擊逢之則碎近之則破鳥不及飛獸不得過
軍驚師駭刮野埽地及至罕車飛揚武騎聿皇蹈飛豹緝
噉陽追天寶出一方應駢聲擊流光野盡山窮囊括其雌
雄沈沈溶溶遙噉乎絃中三軍茫然窮尤關與亶觀夫剽
禽之繼踰犀兕之抵觸熊羆之挈攫虎豹之凌遽徒角槍
題柱蹴竦驚怖魂亡魄失觸輻關脰妄發期中進退履獲
創淫輪夷邱累陵聚於是禽殫中衰相與集於靖冥之館
以臨珍池灌以岐梁溢以江河東瞰目盡西暢亡涯隨珠
和氏焯爍其陂玉石簪峯眩耀青熒漢女水潛怪物暗冥
不可殫形元鸞孔雀翡翠垂榮王睢關關鴻雁嚶嚶羣娛
乎其中噍噍昆鳴鳬鷺振鷺上下砰磕聲若雷霆乃使文

身少伎水格鱗蟲凌堅冰犯嚴淵探巖排磳薄索蛟螭蹈
狎獺據鼉鼉祛靈蟪入洞穴出蒼梧乘鉅鱗騎京魚浮彭
蠡目有虞方惟夜光之流離剖明月之胎珠鞭洛水之宓
妃餉屈原與彭胥於茲乎鴻生鉅儒俄軒冕雜衣裳修唐
典匡雅頌揖讓於前昭光振耀響忽如神仁聲惠於北狄
武誼動於南鄰是以旃裘之王胡貉之長移珍來享抗手
稱臣前入園口後陳廬山羣公常伯楊朱墨翟之徒喟然
並稱曰崇哉乎德雖有唐虞大夏成周之隆何以侈茲夫
古之觀東嶽禪梁基舍此世也其誰與哉上猶謙讓而未
俞也方將上獵三靈之光下浹醴泉之滋發黃龍之穴窺
鳳皇之巢臨麒麟之囿幸神雀之林奢雲夢侈孟諸非章
華是靈臺罕徂離宮而輟觀游土事不飾木功不彫承民
乎農桑勸之以弗怠儕男女使莫違恐貧窮者不徧被洋

溢之饒開禁苑散公儲制道德之固宏仁惠之虞馳弋乎
神明之固覽觀乎羣臣之有亡放雉兔收罝罾麋鹿芻蕘
與百姓共之蓋所以臻茲也於是醇洪鬯之德豐茂世之
規加勞三皇助勤五帝不亦至乎乃祇莊雍睦之徒立君
臣之節崇賢聖之業未遑苑囿之麗游獵之靡也因迴軫
還衡背阿房反未央
揚子雲長楊賦。

此篇倣難蜀父老

明年上將大誇胡人以多禽獸秋命右扶風發民入南山
西自褒斜東至宏農南驅漢中張羅網罝罾捕熊羆豪豬
虎豹狢猯狐兔麋鹿載以檻車輸長楊射熊館以網爲周
阼縱禽獸其中令胡人手搏之自取其獲上親臨觀焉是
時農民不得收斂雄從至射熊館還上長楊賦聊因筆墨

之成文章故藉翰林以爲主人子墨爲客卿以諷其辭曰
子墨客卿問於翰林主人曰蓋聞聖主之養民也仁霑而
恩洽動不爲身今年獵長楊先命右扶風左太華而右褻
斜祿截薛而爲弋紆南山以爲豨羅千乘於林莽列萬騎
於山隅帥軍蹕陸錫戎獲胡搃熊羆地豪豬木擁槍纍以
爲儲胥此天下之窮覽極觀也雖然亦頗擾於農人三旬
有餘其厯至矣而功不圖恐不識者外之則以爲娛樂之
游內之則不以爲乾豆之事豈爲民乎哉且人君以元默
爲神澹泊爲德今樂遠出以露威靈數搖動以罷車甲本
非人主之急務蒙竊惑焉翰林主人曰吁客何謂茲邪若
客所謂知其一未覩其二見其外不識其內也僕嘗倦談
不能一二其詳請略舉其凡而客自覽其切焉客曰唯唯
主人曰昔有彊秦封豕其土竊竄其民鑿齒之徒相與磨

牙而爭之豪俊糜沸雲擾羣黎爲之不安於是上帝眷顧
高祖高祖奉命順斗極運天關橫巨海漂崑崙提劍而叱
之所過靡城斬邑下將降旗一日之戰不可殫記當此之
勤頭蓬不暇梳飢不及餐羸瘠生蟣蝨介冑被沾汗以爲
萬姓請命乎皇天迺展民之所屈振民之所乏規億載恢
帝業七年之間而天下密如也逮至聖文隨風乘流方垂
意於至甯躬服節儉綿衣不敝革鞜不穿大廈不居木器
無文於是後宮賤瑇瑁而疏珠璣却翡翠之飾除雕琢之
巧惡麗靡而不近斥芬芳而不御抑止絲竹宴衍之樂憎
聞鄭衛幼眇之聲是以玉衡正而太階平也其後熏鬻作
虐東夷橫畔羌戎睚眦閩越相亂遐眊爲之不安中國蒙
被其難於是聖武勃怒爰整其旅乃命驃衛紛紜沸渭雲
合電發森騰波流機駭騫軼疾如奔星擊如雷霆碎輶輜

破穹廬腦沙幕髓余吾遂躡乎王庭毆橐駝燒煥蠡分勢
單于磔裂屬國夷阮谷拔鹵莽刊山石蹂屍輿廝係累老
弱吮鋌癰耆金鏃淫夷者數十萬人皆稽顙樹額扶服蛾
伏二十餘年矣尙不敢惕息夫天兵四臨幽都先加迴戈
邪指南越相夷靡節西征羌熨東馳是以遐方疏俗殊鄰
絕黨之域自上仁所不化茂德所不綏莫不躋足抗首請
獻厥珍使海內澹然永無邊城之災金革之患今朝廷純
仁遵道顯義并包書林聖風雲靡英華沈浮洋溢八區普
天所覆莫不沾濡士有不談王道者則樵夫笑之意者以
爲事罔隆而不殺物靡盛而不虧故平不肆險安不忘危
迺時以有年出兵整輿竦戎振師五柞習馬長楊簡力校
獸校武票禽迺萃然登南山瞰烏弋西壓月窟東震日域
又恐後代迷於一時之事常以此爲國家之大務淫荒田

獵陵夷而不禦也是以車不安軻日未靡旃從者髣髴駢
屬而還亦所以奉大尊之烈遵文武之度復三王之田反
五帝之虞使農不輟耰工不下機婚姻以時男女莫違出
凱弟行簡易矜劬勞休力役見百年存孤弱帥與之同苦
樂然後陳鐘鼓之樂鳴鞀磬之和建碣磬之虞拊隔鳴球
棹八列之舞酌允鑠肴樂胥聽廟中之雍雍受神人之福
祐歌投頌吹合雅其勤若此故真神之所勞也方將俟元
符以禪梁父之基增泰山之高延光於將來比榮乎往號
豈徒欲淫覽浮觀馳騁秔稻之地周流黎粟之林蹂踐芻
蕘誇詡衆庶盛欬饌之收多麋鹿之獲哉且盲者不見咫
尺而離婁燭千里之隅客徒愛胡人之獲我禽獸曾不知
我亦已獲其王矣言未卒墨客降席再拜稽首曰大哉體
平允非小人之所能及也迺今日發矇廓然已昭矣

揚子雲解嘲○○○鼎按此文前半以取爵位富貴爲說後
蕭曹留侯前後再言之而義別非重複也未數句言人之
取名有建功於世者有高隱者又致名也今進不能建功退
異若司馬長卿東方朔亦所以致名也今進不能建功退
不能高隱又不宜失於放誕之行是與數子者並惟
藉書以成名耳
說文引之並作響漢書作嚮古字通也說文巴蜀名山岸
脅之旁著欲落峭者曰氏氏崩聲聞數百里而阜部又有
既曰秦謂陵阪曰既然則此字作氏音承旨切或作既音
丁禮切皆本說
文義皆可通

蔣塢先生云雄偉瑰麗後人於此不能復加恢奇矣

哀帝時丁傅董賢用事諸附離之者起家至二千石時雄
方草創太元有以白守泊如也人有嘲雄以元之尚白而
雄解之號曰解嘲其辭曰客嘲揚子曰吾聞上世之士人
綱人紀不生則已生必上尊人君下榮父母析人之珪儋
人之爵懷人之符分人之祿紆青拖紫朱丹其轂今吾子
幸得遭盛明之世處不諱之朝與羣賢同行歷金門上玉

堂有日矣曾不能畫一奇出一策上說人主下談公卿目如耀星舌如電光一從一橫論者莫當顧默而作太元五千文枝葉扶蘇獨說數十餘萬言深者入黃泉高者出蒼天大者含元氣細者入無倫然而位不過侍郎擢纔給事黃門意者元得無尙白乎何爲官之拓落也揚子笑而應之曰客徒欲朱丹吾轂不知一跌將赤吾之族也往者周網解結羣鹿爭逸離爲十二合爲六七四分五剖並爲戰國士無常君國無定臣得士者富失士者貧矯翼厲翮恣意所存故士或自盛以橐或鑿坏以遁是故鄒衍以頡頏而取世資孟軻雖連蹇猶爲萬乘師今大漢左東海右渠搜前番禺後陶塗東南一尉西北一候徽以糾墨製以鐔鈇散以禮樂風以詩書曠以歲月結以倚廬是以天下之士雷動雲合魚鱗雜襲咸營於八區家家自以爲稷契人

人自以爲皋陶敷維垂纓而談者皆擬於阿衡五尺童子
羞比晏嬰與夷吾當途者升青雲失路者委溝渠旦握權
則爲卿相夕失勢則爲匹夫譬若江湖之崖渤澥之島乘
雁集不爲之多雙鳬飛不爲之少昔三仁去而殷墟二老
歸而周熾子胥死而吳亡種蠡存而越霸五殺入而秦喜
樂毅出而燕懼范雎以折摺而危穰侯蔡澤以噤吟而笑
唐舉故當其有事也非蕭曹子房平勃樊霍則不能安當
其無事也章句之徒相與坐而守之亦無所患故世亂則
聖哲馳驚而不足世治則庸夫高枕而有餘夫上世之士
或解縛而相或釋褐而傅或倚夷門而笑或橫江潭而漁
或七十說而不遇或立談間而封侯或枉千乘於陋巷或
擁簪而先驅是以士頗得信其舌而奮其筆室隙蹈瑕而
無所詘也當今縣令不請士郡守不迎師羣卿不揖客將

相不俛眉言奇者見疑行殊者得辟是以欲談者卷舌而同聲欲步者擬足而投跡嚮使上世之士處乎今世策非甲科行非孝廉舉非方正獨可抗疏時道是非高得待詔下觸聞罷又安得青紫且吾聞之炎炎者滅隆隆者絕觀雷觀火爲盈爲實天收其聲地藏其熱高門之家鬼瞰其室攫挈者亡默默者存位極者高危自守者身全是故知元知默守道之極爰清爰靜游神之庭惟寂惟漠守德之宅世異事變人道不殊彼我易時未知何如今子乃以鴟梟而笑鳳皇執螭虬而嘲龜龍不亦病乎子之笑我元之尚白吾亦笑子病甚不遇俞跗與扁鵲也悲夫客曰然則靡元無所成名乎范蔡以下何必元哉揚子曰范雎魏之亡命也折脅拉髀免於徽索脅肩蹈背扶服入橐激卽萬乘之主介涇陽抵穰侯而代之當也蔡澤山東之匹夫也

頓頤折頰涕唾流沫西揖彊秦之相搯其咽而亢其氣拊其背而奪其位時也天下已定金革已平都於洛陽婁敬委輅脫輓掉三寸之舌建不拔之業舉中國徙之長安適也五帝垂典三王傳禮百世不易叔孫通起於枹鼓之間解甲投戈遂作君臣之儀得也呂刑靡敝秦法酷烈聖漢權制而蕭何造律宜也故有造蕭何律於唐虞之世則諄矣有作叔孫通儀於夏殷之時則惑矣有建婁敬之策於成周之世則乖矣有談范蔡之說於金張許史之間則狂矣夫蕭規曹隨留侯畫策陳平出奇功若泰山響若坻隄雖其人之贍智哉亦會其時之可爲也故爲可爲於可爲之時則從爲不可爲於不可爲之時則凶若夫藺生收功於章臺四皓采榮於南山公孫創業於金馬驃騎發跡於祁連司馬長卿竊貴於卓氏東方朔割名於細君僕誠不

能與此數子並故默然獨守吾太元

揚子雲解難

客難揚子曰凡著書者爲衆人之所好也美味期乎合口
工聲調於比耳今吾子乃抗辭幽說閱意眇指獨馳騁於
有亡之際而陶冶大鑪旁薄羣生歷覽者茲年矣而殊不
寤亶費精神於此而煩學者於彼譬畫者畫於無形絃者
放於無聲殆不可乎揚子曰俞若夫閎言崇議幽微之途
蓋難與覽者同也昔人有觀象於天視度於地察法於人
者天麗且彌地普而深昔人之辭迺玉迺金彼豈好爲艱
難哉勢不得已也獨不見夫翠虬絳螭之將登乎天必聳
身於蒼梧之淵不階浮雲翼疾風虛舉而上升則不能機
膠葛騰九閔日月之經不千里則不能燭六合耀八紘泰
山之高不嶮嶢則不能淖滄雲而散歆烝是以宓犧氏之

作易也。繇絡天地經以八卦文王附六爻孔子錯其象而
彖其辭然後發天地之藏定萬物之基典謨之篇雅頌之
聲不溫純深潤則不足以揚鴻烈而章緝熙蓋胥靡爲幸
寂寞爲尸大味必淡大音必希大語叫叫大道低回是以
聲之眇者不可同於衆人之耳形之美者不可混於世俗
之目辭之衍者不可同於庸人之聽今夫絃者高張急徽
追趨逐者則坐者不期而附矣試爲之施咸池掄六莖發
簫韶咏九成則莫有和也是故鍾期死伯牙絕絃鼓琴而
不肖與衆鼓鑊人亡則匠石斲斤而不敢妄斲師曠之調
鐘竽知音者之在後也孔子作春秋幾君子之前睹也老
聃有遺言貴知我者希此非其操歟

揚子雲反離騷

有周氏之蟬嫣兮或鼻祖於汾隅靈宗初謀伯僑兮流于

末之揚侯淑周楚之豐烈兮超既離乎皇波因江潭而往
記兮欽弔楚之湘纍惟天軌之不辟兮何純絜而離紛紛
纍以其渙忍兮暗纍以其繽紛漢十世之陽朔兮招搖紀
於周正正皇天之清則兮度后土之方貞圖纍承彼洪族
兮又覽纍之昌辭帶鉤矩而佩衡兮履攬槍以爲綦纍初
貯厥麗服兮何文肆而質雖資嫵娃之珍髻兮鬻九戎而
索賴鳳皇翔於蓬階兮豈駕鵝之能捷騁驎騶以曲難兮
驢騾連蹇而齊足枳棘之榛榛兮蜎貌擬而不敢下靈修
旣信椒蘭之悞佞兮吾纍忽焉而不蚤睹衿芰茄之綠衣
兮被夫容之朱裳芳酷烈而莫聞兮固不如嬖而幽之離
房閨中容競淖約兮相態以麗佳知衆嬖之嫉妬兮何必
顰蠱之蛾眉懿神龍之淵潛兮埃慶雲而將舉亡春風之
被離兮孰焉知龍之所處愍吾纍之衆芬兮颺燁燁之芳

苓遭季夏之凝霜兮慶天額而喪榮橫江湖以南涉兮云
走乎彼蒼吾馳江潭之汎濫兮將折衷乎重華舒中情之
煩或兮恐重華之不纍與陵陽侯之素波兮豈吾纍之獨
見許精瓊靡與秋菊兮將以延夫天年臨汨羅而自隕兮
恐日薄於西山解扶桑之總轡兮縱令之遂奔馳鸞皇騰
而不屬兮豈獨飛廉與雲師卷薜芷與若蕙兮臨湘淵而
投之楫中椒與菌桂兮赴江湖而漚之費椒糴以要神兮
又勤索彼瓊茅違靈氛而不從兮反湛身於江皋纍旣泮
夫傳說兮奚不信而遂行徒恐鸛鵒之將鳴兮顧先百草
爲不芳初纍棄彼處妃兮更思瑤臺之逸女抔雄鳩以作
媒兮何百離而曾不壹耦乘雲蜺之旖旎兮望昆侖以樛
流覽四荒而顧懷兮奚必云女彼高邱旣亡鸞車之幽謁
兮焉駕入龍之委蛇臨江瀕而掩涕兮何有九招與九歌

夫聖哲之不遭今固時命之所有雖增歎以於邑今吾恐
靈修之不累改昔仲尼之去魯兮嗟嗟遲遲而周邁終回
復於舊都今何必湘淵與濤瀨溷漁父之舖歎兮絜沐浴
之振衣棄由聘之所珍兮蹠彭咸之所遺

合河蕭氏
刻粹家訓